



593/4-1/21 2 26012021



593/4-1/21
26-01-2021

საჩხერის მუნიციპალიტეტს

როგორც მოგეხსენებათ, საქართველოს პარლამენტის გენდერული თანასწორობის საბჭოს ფარგლებში განხორციელდა თემატური მოკვლევა „**პროფესიული განათლება ქალთა ეკონომიკური გაძლიერებისთვის**“. თემატური მოკვლევის ჯგუფმა შეიმუშავა ანგარიში, რომელიც გამოქვეყნდა 2019 წელს. ანგარიშში მოცემულია რეკომენდაციები კონკრეტული უწყებების მიმართ.

თემატური მოკვლევის „პროფესიული განათლება ქალთა ეკონომიკური გაძლიერებისთვის“ ფარგლებში თემატური მოკვლევის ჯგუფმა შეისწავლა სამთავრობო პოლიტიკა, სტრატეგიები და ადგილობრივი პოლიტიკა ქალებისთვის პროფესიული განათლების ხელმისაწვდომობის კუთხით. თემატური მოკვლევის ანგარიშში წარმოდგენილი მიგნებები ეფუძნება მოკვლევის მრავალმხრივი ჩართულობით წარმართულ პროცესს, რომელშიც გათვალისწინებულია როგორც წერილობითი მოსაზრებები, ისე - საქართველოს პარლამენტში გამართული ორი ზეპირი მოსმენის შედეგები და პროფესიულ განათლებაზე უკვე არსებული კვლევები.

ანგარიშში მოცემულია ის დაბრკოლებები, რომლებიც ხელს უშლის ქალებს ჩაერთონ პროფესიული განათლებისა და გადამზადების პროგრამებში. მიუხედავად იმისა, რომ პროფესიულ განათლებაში ჩართული ქალებისა და კაცების თანაფარდობა მკვეთრად განსხვავებული არ არის (ქალები - 43%), გასათვალისწინებელია რამდენიმე ფაქტორი. ერთი მხრივ, პროფესიული განათლების სფეროში კაცებისთვის მთავარი დაბრკოლებაა ის ფაქტი, რომ პროფესიული სასწავლებლის სტუდენტობა მათ არ ათავისუფლებს სავალდებულო სამხედრო სამსახურისგან და ამის გამო წვევამდელი ასაკის კაცები უარს ამბობენ პროფესიულ განათლებაზე (ან ფორმალურად არიან ჩარიცხული უმაღლეს სასწავლებლებში და პარალელურად ეუფლებიან პროფესიულ განათლებას), მეორე მხრივ, არსებული ბარიერების გამო ქალები არ ერთვებიან პროფესიული სწავლებისა და გადამზადების სისტემაში. აუცილებელია განვასხვავოთ 15-24 წლის გოგონებისა და ზრდასრული ქალების ჯგუფების განსხვავებული მდგომარეობა. ზრდასრული ქალებისთვის ბევრად ხელსაყრელია მომზადებისა და გადამზადების კურსები, მათი ხანგრძლივობიდან და დასაქმებისთვის საჭირო პროფესიის სწრაფად დაუფლების პერსპექტივიდან გამომდინარე.

მოკვლევის ფარგლებში გამოვლენილი მიგნებების შესაბამისად მუნიციპალიტეტების მიმართ შემუშავდა შემდეგი რეკომენდაციები:

1. მიმდინარე დეცენტრალიზაციის სტრატეგიის განხორციელების კონტექსტში აუცილებელია ადგილობრივი თვითმმართველობის როლის გათვალისწინება. კერძოდ, ადგილობრივ დონეზე უნდა გადაიჭრას ტრანსპორტირების, მუნიციპალური

ტრანსპორტის, ბაღების, სკოლებისა და სასწავლებლების ინფრასტრუქტურული საკითხი.

2. საჭიროა ეფექტურად იყოს გამოყენებული ბავშვთა ოთახებზე უკვე არსებული წარმატებული პრაქტიკა (კაჭრეთი, ზუგდიდი) და, ამ მხრივ, მუნიციპალიტეტებმა გამოიყენონ ქალთა ოთახების არსებული რესურსი.
3. საჭიროა დაინერგოს სტიპენდიების პრაქტიკა, რაც მეტად გააძლიერებს გოგონებსა და ქალებს პროფესიის დაუფლების ეტაპზე.
4. აუცილებელია, შეღავათებისა და უპირატესობის მხრივ გათანაბრდნენ უმაღლესი სასწავლებლებისა და პროფესიული სასწავლებლების სტუდენტები, რაც გაზრდის პროფესიული განათლების პრესტიჟს და გააუმჯობესებს სტუდენტების სოციალურ მდგომარეობას.
5. პროფესიული სასწავლებლებისთვის აუცილებელია დუალური პროგრამების დანერგვა (ბიზნესთან თანამშრომლობით), საერთო საცხოვრებლის ქონა, ფიზიკური ხელმისაწვდომობა (ფილიალები), რათა უფრო მიმზიდველი გახდეს პროფესიული განათლება.

გარდა ზემოაღნიშნულისა, საქართველოს პარლამენტის ადამიანის უფლებათა დაცვისა და სამოქალაქო ინტეგრაციის კომიტეტის ფარგლებში განხორციელდა თემატური მოკვლევა **„შეზღუდული შესაძლებლობის მქონე ქალებისა და გოგონებისთვის ჯანდაცვის სრვისების მისაწვდომობის შესახებ“**. თემატური მოკვლევის ჯგუფმა შეიმუშავა ანგარიში, რომელიც გამოქვეყნდა 2019 წელს. ანგარიშში მოცემულია რეკომენდაციები კონკრეტული უწყებების მიმართ.

თემატური მოკვლევის ჯგუფის მიზანი იყო სამთავრობო და ადგილობრივი თვითმმართველობის მიერ დაფინანსებული ჯანმრთელობისა და სოციალური დაცვის პროგრამებში შეზღუდული შესაძლებლობის მქონე ქალებისა და გოგონების ჩართულობისა და არსებული სამედიცინო მომსახურებების შესწავლა, რათა ხელი შეეწყოს შშმ ქალებისა და გოგონების ჯანმრთელობის უფლების სრულყოფილ რეალიზაციას. ამასთანავე, მოკვლევის ფარგლებში შშმ ქალებისა და გოგონების მიერ გამოვლინდა ის სერვისები თუ პროგრამები, რომლებიც მათი ავტონომიურობის მაქსიმალურად მაღალი ხარისხის მიღწევას შეუწყობს ხელს და უზრუნველყოფს მათი ჯანმრთელობის უფლების სრულყოფილ რეალიზაციას. მოკვლევის შედეგად შემუშავდა მთელი რიგი რეკომენდაციები და წინადადებები საქართველოს საკანონმდებლო და აღმასრულებელი ხელისუფლების ორგანოებისთვის. ასევე გამოიკვეთა მიგნებები ადგილობრივი თვითმმართველობების ორგანოების საქმიანობასა და პრიორიტეტებთან დაკავშირებით.

მოკვლევის ფარგლებში თქვენი უწყების მიმართ შემუშავდა შემდეგი რეკომენდაციები:

1. განხორციელდეს სატრანსპორტო საშუალებათა და საგზაო ინფრასტრუქტურის ადაპტირება შეზღუდული შესაძლებლობის მქონე პირებისთვის, საჭიროების შემთხვევაში კი ამ პირთა ინტერესების გათვალისწინებით შეიძინონ ახალი სატრანსპორტო საშუალებები.
2. დაინერგოს შეზღუდული შესაძლებლობის მქონე პირებისათვის სივრცის მოწყობის პროცესში ეფექტური აღსრულებისა და ზედამხედველობის მექანიზმი. მისაწვდომობის უზრუნველყოფის მიზნით, კანონმდებლობისა და პროგრამების შემუშავებისას ცენტრალურ და ადგილობრივ დონეზე მაქსიმალურად იქნეს

უზრუნველყოფილი შეზღუდული შესაძლებლობის მქონე პირთა, მათ შორის ქალების ჩართულობა.

3. შემუშავდეს მხარდამჭერი პროგრამები შშმ პირების ოჯახის წევრებისთვის.
4. მუნიციპალური სპორტული დარბაზები მოერგოს უნივერსალური დიზაინის პრინციპს.
5. ღია ცის ქვეშ არსებული მუნიციპალური სპორტული კუთხეები (ე.წ. სპორტული დარბაზები ღია ცის ქვეშ) მოერგოს უნივერსალური დიზაინის პრინციპს.

მოცემული რეკომენდაციების შესრულების მონიტორინგის მიზნით, საქართველოს პარლამენტის რეგლამენტის 148-ე მუხლის პირველი პუნქტის საფუძველზე, მოგმართავთ თხოვნით, მოგვაწოდოთ სრულყოფილი ინფორმაცია თვითოეული რეკომენდაციის შესრულების მიზნით რა ღონისძიებები განახორციელა უწყებამ თავისი კომპეტენციის ფარგლებში. ასევე გთხოვთ, მიუთითოთ ის რეკომენდაციები რომელთა შესრულებაც რელევანტური აღარ არის, ვინაიდან შესაბამისი არგუმენტაციის გათვალისწინებით არ არის მიზანშეწონილი ან/და სხვა ტიპის ღონისძიებებით უკვე მიღწეულია დასახული მიზანი. ასევე, გთხოვთ, გვაცნობოთ ის შეუსრულებელი რეკომენდაციები, რომლებზეც უწყება სამომავლოდ გეგმავს მუშაობას.

დანართი:

(1) „პროფესიული განათლება ქალთა ეკონომიკური გაძლიერებისთვის“ თემატური მოკვლევის ანგარიში - 37 (ოცდაჩვიდმეტი) გვერდი.

(2) „შეზღუდული შესაძლებლობის მქონე ქალებისა და გოგონებისთვის ჯანდაცვის სერვისებზე მისაწვდომობის შესახებ“ თემატური მოკვლევის ანგარიში - 70 (სამოცდაათი) გვერდი.

პატივისცემით,

პარლამენტის წევრი
ნინო წილოსანი





საქართველო
საჩხერის მუნიციპალიტეტის მერია
GEORGIA
SACHKHERE MUNICIPALITY CITY HALL



საქართველო, 4000 ქ. საჩხერე, თავისუფლების ქუჩა #4; ტელ. (+995 435) 221300; ელ. ფოსტა info@sachkhere.gov.ge
4 Tavisupleba Str. 4000, Sachkhere, Georgia, Tel. (+995 435) 221300; info@sachkhere.gov.ge

N 53/685
16/02/2021

685-53-2-202102161405



საქართველოს პარლამენტის წევრს

ქალბატონ ნინო წილოსანს

ქალბატონო ნინო,

თქვენი 2021 წლის 26 იანვრის N593/4-1/21 წერილის პასუხად გაწვდით ინფორმაციას საქართველოს პარლამენტის გენდერული თანასწორობის საბჭოსა და ადამიანის უფლებათა დაცვისა და სამოქალაქო ინტეგრაციის კომიტეტის ფარგლებში განხორციელებული თემატური მოკვლევის: „პროფესიული განათლება ქალთა ეკონომიკური გაძლიერებისთვის“ და „შეზღუდული შესაძლებლობის მქონე ქალებისა და გოგონებისათვის ჯანდაცვის სერვისების მისაწვდომობის შესახებ“ მუნიციპალიტეტების მიმართ გაცემული რეკომენდაციების შესრულების შესახებ, ცალ-ცალკე თითოეული რეკომენდაციის მიხედვით.

✓ „პროფესიული განათლება ქალთა ეკონომიკური გაძლიერებისთვის“

1. მიმდინარე დეცენტრალიზაციის სტრატეგიის განხორციელების კონტექსტში აუცილებელია ადგილობრივი თვითმმართველობის როლის გათვალისწინება. კერძოდ, ადგილობრივ დონეზე უნდა გადაიჭრას ტრანსპორტირების, მუნიციპალური ტრანსპორტის, ბაღების, სკოლებისა და სასწავლებლების ინფრასტრუქტურული საკითხი.

დელეგირებული უფლებამოსილების ფარგლებში საჩხერის მუნიციპალიტეტის მერია კონსოლიდირებული ტენდერის საფუძველზე ახორციელებს მუნიციპალიტეტის ტერიტორიაზე არსებული საჯარო სკოლების მოსწავლეთა ტრანსპორტირებას.

გამყოფი ხაზის მიმდებარე სოფლების: პერევისა და ქარმანის მოსახლეობისათვის მუნიციპალიტეტი უზრუნველყოფს უფასო ტრანსპორტით მომსახურებას საჩხერე-პერევი, პერევი-საჩხერის მიმართულებით. პერევის მიმართულებით ემსახურება კვირაში 4 რეისი, ხოლო ქარმანის მიმართულებით-კვირაში 3 რეისი.

მუნიციპალიტეტი ცდილობს არსებული ინფრასტრუქტურა შესაძლებლობის ფარგლებში მოარგოს შესაბამისი სტანდარტების მოთხოვნებს. სტანდარტს ითვალისწინებს არსებული საბავშვო ბაღებისა და სკოლების შენობების რეკონსტრუქციის დროს და ახალი შენობების მშენებლობის პროცესში.

საჩხერის მუნიციპალიტეტს მუნიციპალური ტრანსპორტი არ ჰყავს.

2. საჭიროა ეფექტურად იყოს გამოყენებული ბავშვთა ოთახებზე უკვე არსებული წარმატებული პრაქტიკა (კაჭრეთი, ზუგდიდი) და, ამ მხრივ, მუნიციპალიტეტებმა გამოიყენონ ქალთა ოთახების არსებული რესურსი.

2020 წელს საჩხერის მუნიციპალიტეტის მერიის ჯანმრთელობისა და სოციალური დაცვის სამსახურს დაემატა სათანადო შტატები ბავშვის უფლებათა დაცვის საკითხებში. აღნიშნული კუთხით მუშაობა დაწყებულია 2021 წლის იანვრიდან.

ქალთა ოთახები საჩხერის მუნიციპალიტეტში ამ ეტაპზე არ ფუნქციონირებს.

3. საჭიროა დაინერგოს სტიპენდიების პრაქტიკა, რაც მეტად გააძლიერებს გოგონებსა და ქალებს პროფესიის დაუფლების ეტაპზე.

საჩხერის მუნიციპალიტეტში არ არის დანერგილი სტიპენდიების პრაქტიკა, რაც განხილვის საგანს წარმოადგენს.

4. აუცილებელია, შედგათებისა და უპირატესობის მხრივ გათანაბრდნენ უმაღლესი სასწავლებლებისა და პროფესიული სასწავლებლების სტუდენტები, რაც გაზრდის პროფესიული განათლების პრესტიჟს და გააუმჯობესებს სტუდენტების სოციალურ მდგომარეობას.

პროფესიული სასწავლებლის სტუდენტებისთვის მუნიციპალიტეტის მერიას ამ ეტაპზე არა აქვს შესაბამისი ფინანსური დახმარების პროგრამა.

5. პროფესიული სასწავლებლებისთვის აუცილებელია დუალური პროგრამების დანერგვა (ბიზნესთან თანამშრომლობით), საერთო საცხოვრებლის ქონა, ფიზიკური ხელმისაწვდომობა (ფილიალები), რათა უფრო მიმზიდველი გახდეს პროფესიული განათლება.

საჩხერის მუნიციპალიტეტში ფუნქციონირებს ავტორიზებული საზოგადოებრივი კოლეჯი: „ბიზნესისა და ტექნოლოგიების აკადემია“ (საჩხერის განყოფილება) და შპს სასწავლო ცენტრი: „მომავლის აკადემია.“

✓ „შეზღუდული შესაძლებლობის მქონე ქალებისა და გოგონებისთვის ჯანდაცვის სერვისების მისაწვდომობის შესახებ.“

1. განხორციელდეს სატრანსპორტო საშუალებათა და საგზაო ინფრასტრუქტურის ადაპტირება შეზღუდული შესაძლებლობის მქონე პირებისთვის, საჭიროების შემთხვევაში კი ამ პირთა ინტერესების გათვალისწინებით შეიძინონ ახალი სატრანსპორტო საშუალებები.

შეზღუდული შესაძლებლობის მქონე პირთა ინტერესების გათვალისწინებით 2016 წლიდან მუნიციპალიტეტის განკარგულებაშია ადაპტირებული მიკრო ავტობუსი.

საგზაო ინფრასტრუქტურა ნაწილობრივ ადაპტირებულია.

2. დაინერგოს შეზღუდული შესაძლებლობის მქონე პირებისათვის სივრცის მოწყობის პროცესში ეფექტური აღსრულებისა და ზედამხედველობის მექანიზმი. მისაწვდომობის უზრუნველყოფის მიზნით, კანონმდებლობისა და პროგრამების შემუშავებისას ცენტრალურ და ადგილობრივ დონეზე მაქსიმალურად იქნეს უზრუნველყოფილი შეზღუდული შესაძლებლობის მქონე პირთა, მათ შორის ქალების ჩართულობა.

საჩხერის მუნიციპალიტეტის მერიის შესაბამისი სამსახური ადმინისტრაციული შენობების საპროექტო დოკუმენტაციის შეთანხმებისას ითვალისწინებს შეზღუდული შესაძლებლობის მქონე პირებისათვის სივრცითი მოწყობისა და არქიტექტურული დაგეგმარებითი ელემენტების ტექნიკურ რეგლამენტს. ტროტუარებზე გაკეთდა ასასვლელი პანდუსები, საჯარო თავშეყრის ადგილებზე ყველგან, ახლად აშენებულ ობიექტებზე გაკეთდა პანდუსები და წყლის დასაღები ფანტანები, ქალაქის მთავარ ქუჩებზე შეზღუდული შესაძლებლობის მქონე პირთათვის სპეციალური ნიშნებით მოინიშნა პარკირების ადგილები.

ადგილობრივ დონეზე მუნიციპალური პროგრამების შემუშავებისას მერია უზრუნველყოფს შეზღუდული შესაძლებლობის მქონე პირთა, მათ შორის ქალების ჩართულობას.

შეზღუდული შესაძლებლობის მქონე პირთა საჭიროებების ეფექტურად გადაწყვეტის მიზნით საჩხერის მუნიციპალიტეტის მერიაში 2019 წელს შეიქმნა შეზღუდული შესაძლებლობის მქონე პირთა საკითხებზე მომუშავე საბჭო, რომლის შემადგენლობაშიც შედიან: საჩხერის მუნიციპალიტეტის მერიისა და საკრებულოს წარმომადგენლები; მუნიციპალიტეტში შშმ პირთა საკითხებზე მომუშავე არასამთავრობო ორგანიზაციების 4 წარმომადგენელი და, საბჭოს დებულებით განსაზღვრული წესის შესაბამისად, შშმ პირებიდან/შშმ პირთა წარმომადგენლებიდან საბჭოს მიერ მოწვეული 5 პირი.

საბჭოს მიერ წევრთა დანიშნისას გათვალისწინებული იყო მუნიციპალიტეტში რეგისტრირებული სხვადასხვა კატეგორიის (შშმ ბავშვებისა და ქალების, ეტლით მოსარგებლე, უსინათლო, ყრუ, ფსიქო-სოციალური საჭიროების) შშმ პირების/შშმ პირების წარმომადგენელთა პროპორციული მონაწილეობა.

3. შემუშავდეს მხარდამჭერი პროგრამები შშმ პირების ოჯახის წევრებისთვის.

მუნიციპალიტეტის ტერიტორიაზე მცხოვრები შშმ პირების ოჯახის წევრებისათვის ადგილობრივი თვითმართვლობის ბიუჯეტში გათვალისწინებულია მატერიალური (ფინანსური) დახმარების პროგრამა. საჩხერის მუნიციპალიტეტის საკრებულოს 2018 წლის 11 იანვრის N56 დადგენილების საფუძველზე აკრედიტებულ უმაღლეს სასწავლებელში სწავლის საფასურის თანადაფინანსება 500 (ხუთასი) ლარამდე ოდენობით, ერთჯერადად გაცივმა შეზღუდული შესაძლებლობის სტატუსის მქონე მშობლის სტუდენტ შვილებზე.

4. მუნიციპალური სპორტული დარბაზები მოერგოს უნივერსალური დიზაინის პრინციპს.

საჩხერის მუნიციპალიტეტის ტერიტორიაზე არსებული სპორტული დარბაზები უნივერსალური დიზაინის პრინციპზე არ არის მორგებული.

5. ღია ცის ქვეშ არსებული მუნიციპალური სპორტული კუთხეები (ე.წ. სპორტული დარბაზები ღია ცის ქვეშ) მოერგოს უნივერსალური დიზაინის პრინციპს.

საჩხერის მუნიციპალიტეტის ტერიტორიაზე ღია ცის ქვეშ არსებული მუნიციპალური სპორტული კუთხეები უნივერსალური დიზაინის პრინციპზე არ არის მორგებული.

პატივისცემით,

ბენიამენ ფალავანდიშვილი



მუნიციპალიტეტის მერი

საჩხერის მუნიციპალიტეტის მერია